

**GOKHALE MEMORIAL GIRLS' SCHOOL**  
**PRE BOARD EXAMINATION - II (2025-26)**

**CLASS - X**  
**BENGALI**

**Time - 3 hrs.**

**Full Marks - 80**

**ভাগ - I : নৈব্যক্তিক প্রশ্ন (নির্বাচনমূলক প্রশ্ন)**

**Part - I**

**(Objective Type Questions - MCQ)[25 Marks]**

**বিভাগ - A (পঠন)**

**Section A (Reading)**

**(অপঠিত গদ্যাংশের বোধ পরীক্ষণ)**

**(Unseen comprehensions)**

1. নীচের তিনটি গদ্যাংশ পড়ে প্রদত্ত প্রশ্নগুলির সঠিক উত্তর নির্বাচন করো।

**[4x1=4]**

A. বেঙ্গল ইমিউনিটি, বেঙ্গল এনামেল, বেঙ্গল পটারি নামে আরও সব শিল্প প্রতিষ্ঠান তৈরি হল। বেঙ্গল কেমিক্যালের আদর্শে মাদ্রাজ ও বোম্বাইতে অনুরূপ শিল্প গড়ে উঠল। লক্ষ্য একটাই। বাঙালি জাতি মাথা উঁচু করে বাঁচবে। কারও হাততোলা হয়ে থাকবে না। শ'য়ে শ'য়ে বাঙালির রুজি-রোজগারের পথ খুলে দিল এইসব শিল্প প্রতিষ্ঠান। কেউ কোনও স্বাধীন ব্যবসা করবে মনস্থির করলেই আগে ভাগে প্রফুল্লর পরামর্শ নেয়। সমাজের মাথারা বলেন, “প্রফুল্লর মতো বিচক্ষণ মানুষ আর দুটো হবে না এই বঙ্গে। একাধারে সে ফিলানথ্রপিস্ট, অন্যদিকে এন্টারপ্রেনর।”

**P.T.O**



প্রফুল্লুর কাছ থেকে কেউ ব্যবসার আইডিয়া ধার নিতে গেলেই সে সর্বাত্মে বলে, “দেখো ভায়া, স্বাধীন ব্যবসা করতে গেলে পরিশ্রমী হয়ে লেগে থাকতে হবে তোমায়। শুধু উদ্যোগ আর মূলধন থাকলেই হবে না। আর সেই সঙ্গে মাথায় রাখতে হবে যে লাভের গুড় যেন পিঁপড়েয় না খায়। স্বদেশি শিল্প গড়ার মূলে একটাই কথা। ব্যবসায়িক লভ্যাংশ যেন বিদেশিদের হাতে না চলে যায়। আর চাই সঞ্চয়। তিলে তিলে সঞ্চয় করতে হবে।”

I. ‘মাদ্রাজ ও বোম্বাইতে অনুরূপ শিল্প গড়ে উঠল।’—এখানে ‘অনুরূপ’ বলতে, কীসের ‘অনুরূপ’?

- A) বেঙ্গল এনামেল
- B) বেঙ্গল পটারি
- C) বেঙ্গল ইমিউনিটি
- D) বেঙ্গল কেমিক্যাল

II. ব্যবসায়িক লভ্যাংশ যেন বিদেশিদের হাতে না চলে যায়।”

কারণ - ক) স্বদেশি ব্যবসায় বিদেশি হস্তক্ষেপ চলে আসতে পারে।

খ) স্বাধীন ব্যবসা বিঘ্নিত হবে।

- A) কারণ (ক) ঠিক, (খ) ভুল
- B) কারণ (ক) ভুল, (খ) ঠিক
- C) কারণ (ক) ও (খ) দুটোই ঠিক
- D) কারণ (ক) ও (খ) দুটোই ভুল



III. স্বাধীন ব্যবসা করার জন্য মূলধন ও পরিশ্রমের  
পাশাপাশি আর কী প্রয়োজন?

A) হাততোলা হওয়া

B) গুড়

C) রুজি রোজকার

D) সঞ্চয়

IV. 'সঞ্চয়' এর সন্ধি বিচ্ছেদ -

A) সং + চয়

B) সমঃ + চয়

C) সম + চয়

D) সম্ + চয়

[4x1=4]

B. ধান চাষ বাংলার চাষিদের কাজে লক্ষ্মীর নামান্তর। বাঙালি  
এমনিতেই 'ভেতো'। তবে ভেতো বাঙালির কাছে ধান  
কেবল খাদ্যবস্তু নয়; এর সঙ্গে জড়িয়ে আছে অর্থনীতি  
আর লোকউৎসব। সারা বছর বহু বৈচিত্র্যে বাংলার গ্রামীণ  
জীবনে লক্ষ্মীর পূজা হয়। পূর্ব বর্ধমান জেলা কৃষির পক্ষে  
অনুকূল। আষাঢ়-পৌষ আমন ধান চাষের বিস্তৃতি। পাঁচালির  
ব্রতকথায় থাকে "ধান্যমঙ্গল"। ভাদ্রমাসে ধানকে শাড়ি  
পরিয়ে লক্ষ্মীর পূজা হয়। এরপর "ডাক সংক্রান্তি"। এই  
দিন কৃষক আমন ধানের খেতের আলে দাঁড়িয়ে সূর্যোদয়ের  
আগে ডাক দেন, "উলো আমার ধান কুলো, মামার  
ফুলো.....।" এরপরের সংক্রান্তিটি "মুঠ সংক্রান্তি"।  
তারাশঙ্কর বন্দ্যোপাধ্যায় তাঁর 'গণদেবতা' উপন্যাসে এক



ছত্রে বলেছেন — “কার্তিক সংক্রান্তির দিনে কল্যান করিয়া আড়াই মুঠা কাটিয়া লক্ষ্মীপূজা হইয়া গিয়াছে।” এরপর ‘পৌষ আগলানো’ কৃষক বউ পরিবারের সমৃদ্ধি চেয়ে বলেন — “থাকো পৌষ যেও না।” মাঝে অগ্রহায়ণের সংক্রান্তিতে ‘ইতু পূজো’ করা হয়।

অষ্টালয়েড সভ্যতার দান এই উৎসব। প্রকৃতির সরঞ্জামে প্রকৃতি পূজো। কালীপূজো মিটলেই হৈমন্তিকা এই উৎসবের তোড়জোড় শুরু হয় বাংলার কৃষক ঘরে। ফসলের সমৃদ্ধি আর গৃহলক্ষ্মীকে অচঞ্চল রাখতে প্রাচীন ও ক্ষয়িষ্ণু এই পার্বণগুলি নবান্নের সময় আদি বঙ্গভূমের রীতিনীতি মনে করায়।

I. বাঙালির ধানচাষের সঙ্গে জড়িয়ে আছে —

- A) অর্থনীতি
- B) লোক উৎসব
- C) লক্ষ্মীপূজো
- D) উপরের সবক’টি

II. প্রদত্ত বিবৃতি পড়ে সঠিক উত্তর নির্বাচন করো :

বিবৃতি - ১ : কার্তিক সংক্রান্তিতে ‘মুঠ সংক্রান্তি’ হয়।

- ২ : ‘পৌষ আগলানো’-র পর ইতু পূজো হয়।

A) বিবৃতি - ১ এবং ২ দুটোই সঠিক

B) বিবৃতি - ১ এবং ২ দুটোই ভুল



C) বিবৃতি - ১ ঠিক কিন্তু ২ ভুল

D) বিবৃতি - ১ ভুল কিন্তু ২ ঠিক

III. “উলো আমার ধান কুলো, মামার ফুলো ...” উচারণ করা হয় -

A) ‘ধান্যমঙ্গল’ ব্রতকথায়

B) ডাক সংক্রান্তিতে

C) মুঠ সংক্রান্তিতে

D) পৌষ আগলানোর সময়

IV. ‘লোকউৎসব’ সমাসবদ্ধ পদটি কোন সমাসের অন্তর্ভুক্ত?

A) অব্যয়ীভাব সমাস

B) কৰ্মধারয় সমাস

C) দ্বন্দ্ব সমাস

D) উপরের কোনোটিই নয়

[4x1=4]

C) পৃথিবীর মতো আমাদের সৌরমণ্ডলের বেশ কিছু গ্রহ উপগ্রহের পৃষ্ঠেও জলচক্র ঘটে। তবে সেখানে যে জলচক্র ঘটে সেটা আসলে তরল জলের নয়। বরং কঠিন কার্বন-ডাই-অক্সাইড, তরল মিথেন, নাইট্রোজেন এবং হাইড্রোকার্বন জাতীয় পদার্থের। গ্রহ উপগ্রহগুলিতে বিভিন্ন মরশুমে সেই পদার্থ এক বিশেষ প্রক্রিয়ায় এক ধরনের মেঘ সৃষ্টি করে। তারপর প্রাক বিশেষ প্রক্রিয়ায় পুনরায় স্বল্প মাধ্যাকর্ষণ শক্তির টানে ভূপৃষ্ঠে ফিরে আসে।



আমাদের সবচেয়ে নিকটতম গ্রহ, মঙ্গল গ্রহ। যাকে রেড প্লানেট বলা হয়। পৃথিবীর মতো বরফময় দুটি মেরু ক্যাপ আছে। উত্তর মেরুর ক্যাপটি মূলত জলের বরফ। দক্ষিণ মেরুর ক্যাপটি প্রধানত কঠিন কার্বন-ডাই-অক্সাইড। তাই এখানে সর্বদা  $CO_2$  চক্র ঘটে। এর বায়ুমণ্ডলীয় চাপ খুব কম হওয়ায় এখানে কোনো পদার্থই তরল অবস্থায় থাকতে পারে না। তাই সরাসরি  $CO_2$  মেঘ থেকে বৃষ্টিপাত না হয়ে বরফ (তুষারপাত) রূপে ঝরে পড়ে।

I. সৌরমণ্ডলের বিভিন্ন গ্রহ ও উপগ্রহে যে জলচক্র দেখা যায়, তা তৈরি হয়

- A) জল দিয়ে
- B) তরল মিথেন দিয়ে
- C) কঠিন  $CO_2$ , তরল মিথেন, নাইট্রোজেন ও হাইড্রোজেন দিয়ে
- D) নাইট্রোজেন ও হাইড্রোজেন দিয়ে

II. বিশেষ প্রক্রিয়ায় সৃষ্টি হওয়া একধরনের মেঘ কোন শক্তির টানে ভূ-পৃষ্ঠে ফিরে আসে?

কারণ ক) মাধ্যাকর্ষণ শক্তি

খ) বায়ুমণ্ডলীয় চাপ কম হওয়ায়।

- A) কারণ (ক) সঠিক (খ) ভুল
- B) কারণ (ক) ভুল, (খ) সঠিক
- C) কারণ (ক) এবং (খ) সঠিক
- D) কারণ (ক) এবং (খ) ভুল



III. আমাদের নিকটতম গ্রহ মঙ্গল গ্রহের দক্ষিণ মেরুর বরফের ক্যাপটি —

- A) জল দিয়ে তৈরি
- B) কার্বন-ডাই-অক্সাইড দিয়ে তৈরি
- C) বায়ুমন্ডলের চাপে তৈরি।
- D) তরল মিথেনে তৈরি

IV. বৃষ্টিপাত না হয়ে, বরফ রূপে ঝরে পড়ে। এর সাধুরূপটি -

- A) বৃষ্টিপাত না হওয়া, বরফরূপে ঝরে পড়ে।
- B) বৃষ্টিপাত না হয়ে, বরফরূপে ঝরিয়া পড়ে।
- C) বৃষ্টিপাত না হওয়া, বরফ রূপে ঝরিয়া পড়ে
- D) বৃষ্টিপাত না হইলে, বরফ রূপে ঝরে পড়ে।

বিভাগ - B

### Section - B

(ব্যাকরণ) Grammar

2. ব্যাকরণগত প্রশ্নগুলির সঠিক উত্তর নির্বাচন করো। (যেকোনো তিনটি) (any three) [3x1=3]

I. ওর বিয়ের ব্যবস্থা আমি করে ফেলেছি। (সাধুভাষা রূপ লেখ)

- a) এর বিয়ের ব্যবস্থা আমি করিয়া ফেলিয়াছি।
- b) উহার বিবাহের ব্যবস্থা আমি করে ফেলিয়াছি।



- c) উহার বিবাহের ব্যবস্থা আমি করিয়া ফেলিয়াছি।
- d) ওর বিয়ের ব্যবস্থা আমি করিয়া ফেলেছি।

II. ভাষার সাহায্য লইয়াই মানুষ আপনার ভাব প্রকাশ করিয়া থাকে। (চলিতে রূপান্তরিত করো)

a) ভাষার সাহায্য লইয়াই মানুষ নিজের ভাব প্রকাশ করিয়া থাকে।

b) ভাষার সাহায্য নিয়াই মানুষ নিজের ভাব প্রকাশ করিয়া থাকে।

c) ভাষার সাহায্য নিয়েই মানুষ নিজের ভাব প্রকাশ করে থাকে।

d) ভাষার সাহায্য লইয়ে মানুষ আপনার ভাব প্রকাশ করে থাকে।

III. তারা দল বেঁধে খেলছে। — এ বাক্যে সর্বনামের রূপটি সাধু ভাষায় কেমন হবে?

a) তাদের

b) তাহারাদের

c) তাহারারা

d) তাহারা

IV. 'বন্দেমাতরম্' গানটি তার দেড়শ বছর পূর্ণ করেছে। (সাধুভাষায় রূপান্তর করো)

a) 'বন্দেমাতরম্' গানটি তাহার দেড়শ বছর পূর্ণ করেছে।



- b) 'বন্দেমাতরম্' গানটি তাহার দেড় শত বছর পূর্ণ করিয়াছে।
- c) 'বন্দেমাতরম্' গানটি তার দেড়শ বৎসর পূর্ণ করিয়াছে।
- d) 'বন্দেমাতরম্' গানটি তাহার দেড়শত বৎসর পূর্ণ করিয়াছে।

V. কি যে তোমারে কহিব, নীরবে চাহিয়া রহিব। (চলিত ভাষায় রূপান্তর)

- a) কি যে তোমারে কব, নীরবে চাহিয়া রব।
- b) কি যে তোমাকে বলব, নীরবে চেয়ে থাকব।
- c) কি যে তোমারে বলব, নীরবে চাহিয়া থাকব।
- d) কি যে তোমাকে বলিব, নীরবে চেয়ে থাকিব।

বিভাগ - C

### Section - C

(মূল পাঠ্যপুস্তক এবং সম্পূরক পাঠ / অনুপুঙ্খ পাঠ)

**(Main Course Book and Supplementary Reader / Non-detailed text) : (MCQ)**

3. পাঠ্য গল্প থেকে প্রদত্ত প্রশ্নগুলির সঠিক বিকল্প উত্তরটি নির্বাচন করে লেখো। (যে কোনো দুটি) ~~ছাঁট~~ [6x1=6]

I. তপন কেন “বোবার মতো বসে থাকে?”

কারণ (ক) - গল্পটি আগাগোড়াই কারেকশন করা

(খ) নতুন করে পাকা হাতে লেখা।



A) - কারণ (ক) ঠিক, কিন্তু (খ) ভুল

B) - কারণ (ক) ভুল, কিন্তু (খ) ঠিক

C) - কারণ (ক) এবং (খ) দুটোই ঠিক

D) - কারণ (ক) এবং (খ) দুটোই ভুল

II. 'ওমা এতো বেশ লিখেছিস রে?'— তপনকে একথা কে বলেছেন?

A) তপনের লেখক মেসো

B) তপনের মা

C) তপনের মাসি

D) তপনের মামা

III. আলোবাবু হ্যাট বাজিয়ে গাইছিলেন - "আমায় ওরা সইলো না কেউ"— পরের লাইনটি

A) আমায় ওরা চিনল না কেউ

B) আমার কাছে থাকল না কেউ

C) আমার কাছে রইলো না কেউ

D) আমার সাথে গেল না কেউ

IV. টপ টপ করে আলোবাবুর চোখ থেকে জল গড়িয়ে পড়ার কারণ কী?

কারণ (ক) - ঘড়িটা চুরি হয়ে গেছে।

(খ) ভালোবাসার কিছুই কাছে রাখতে পারেন না।



- A) কারণ (ক) ঠিক। কিন্তু (খ) ভুল
- B) কারণ (ক) ভুল, কিন্তু (খ) ঠিক
- C) কারণ (ক) এবং (খ) দুটোই ঠিক
- D) কারণ (ক) এবং (খ) দুটোই ভুল

V. সন্ধ্যায় বিচিত্র ছদ্মবেশে হরিদা অপরূপ হয়ে পথে বের হয়ে পড়েন। তখন —

- A) যারা চিনতে পারে এক-দু আনা বকশিশ দেয়।
- B) যারা চিনতে পারে না এক-দু আনা বকশিশ দেয়।
- C) যারা বিরক্ত হয়, দুটো পয়সা দিতে চায় না।
- D) যারা চিনতে পারে না তারা চার-পাঁচ পয়সা দেয়।

VI. বহুরূপী সাজে হরিদাকে দেখে বাসের যাত্রীরা কেউ হাসে, কেউ বা বেশ বিরক্ত হয় কেউ আবার বেশ বিস্মিত হয়। সত্যিই হরিদা চমৎকার —

- A) কাপালিক সাজেন
- B) বাইজি সাজেন
- C) ফিরিঙ্গি সাজেন
- D) পাগল সাজেন

VII. “কিন্তু বাবার ভারী হাতের মারের কাছে ও কিছুই নয়।”  
কোন বিষয়টি কিছুই নয়?

- A) জামা ছিঁড়ে যাওয়া
- B) ইসাবকে জামা দেওয়া



C) কুস্তি করা

D) মায়ের কাছে থাপ্পড় খাওয়া।

VIII. ইসাব-অমৃত সব বিষয়েই প্রায় সমান। নিম্নলিখিত উত্তর বিকল্পে ভুল তথ্যটি চিহ্নিত করো।

A. দুজনে একই স্কুলে পড়ে।

B. দুজনের বাবা পেশায় চাষি,

C. ইসাব-অমৃত শক্তিতে সমান।

D. দুজনের বাবার চাষের জমিও প্রায় সমান।

4. গল্পগুচ্ছ (পাঠ্য সংস্করণ) থেকে প্রদত্ত প্রশ্নগুলির সঠিক বিকল্প উত্তরটি নির্বাচন করো। যে কোনো চারটি (any four)  
[4x1=4]

I. 'কাবুলিওয়ালা' গল্পে মিনির বাবা নিজেকে "উদ্ভিজ্জ প্রকৃতি" বলে কী বোঝাতে চেয়েছেন?

A) ঘরকুনো স্বভাব

B) কঠোর স্বভাব

C) অসহিষ্ণু স্বভাব

D) অস্থির স্বভাব

II. "যদিও প্রতাপসিংহ এবং কাঞ্চনমালার অবস্থা অত্যন্ত সংকটাপন্ন..." বলতে লেখক কী বুঝিয়েছেন?

ক) দুজনে খুব বিপদে আছেন

খ) লেখকের লেখা থেমে আছে।



A) (ক) ঠিক কিন্তু (খ) ভুল

B) (ক) ভুল কিন্তু (খ) ঠিক

C) (ক) এবং (খ) দুটোই ঠিক

D) (ক) এবং (খ) দুটোই ভুল

III. “রতন আর কোনো কথা জিজ্ঞাসা করিল না।” কারণ—

ক) রতন জেনেছে পোস্টমাস্টার আর ফিরবে না।

খ) পোস্টমাস্টারের দরখাস্ত না মঞ্জুর হয়েছে।

A) কারণ (ক) ঠিক কিন্তু (খ) ভুল

B) কারণ (ক) ভুল কিন্তু (খ) ঠিক

C) কারণ (ক) এবং (খ) দুটোই ঠিক

D) কারণ (ক) এবং (খ) দুটোই ভুল

IV. “জীর্ণ চাল ভেদ করিয়া একটি মাটির সরার উপর টপ্ টপ্ করিয়া বৃষ্টির জল পড়িতে লাগিল।” ব্যঙ্গনার্থে লেখক কী বুঝিয়াছেন?

A) পোস্টমাস্টারের চোখের জল

B) রতনের চোখের জল

C) বাউলের চোখের জল

D) উপরের কোনোটিই নয়।



V. 'কখনো যে রাধামুকুন্দে প্রতি তাঁহার তিলমাত্র বিদ্রোহ ভাব ছিল এখন তার তাহা প্রকাশ পায় না।' কার মনের বিদ্রোহের কথা বলা হয়েছে?

A) রাসমণির

B) ব্রজসুন্দরীর

C) শশিভূষণের

D) গভর্নেন্টের

ভাগ - II : বর্ণনামূলক প্রশ্ন

**Part - II : Descriptive Type Question**

বিভাগ - B (ব্যাকরণ)

**Section - B : Grammar (Subjective)**

5. A) সন্ধি বিচ্ছেদ করো। যে কোনো দুটি (any two)

[2x1=2]

আপৎকাল, উল্লাস, মনস্তাপ, সদ্যোজাত, উচ্ছৃঙ্খল

B) সন্ধিবদ্ধ পদটি লেখা যে কোনো দুটি (any two)

[2x1=2]

মনঃ + অভিলাষ,

পুনঃ + উদ্ধার

তদ্ + পুরুষ,

রবি + ছায়া

6. ব্যাসবাক্য সহ রেখাঙ্কিত পদের সমাস নির্ণয় করো। যে-কোনো

তিনটি (any three)

[3x1=3]

I. আজই পিতৃদেব পৌঁছবেন।

II. 'মহারাজ' একি সাজে এলে।



- III. প্রতিকূল পরিবেশেই সে উন্নতি করবে।
- IV. সে এখনও তেমন কাজকর্ম খুঁজে পায়নি।
- V. কোন গ্রহের উপগ্রহ সংখ্যা বেশি?
7. নির্দেশ অনুযায়ী প্রদত্ত বাক্যগুলির গঠনগত রূপান্তর করো।  
যে-কোনো তিনটি। (**any three**) [3x1=3]
- I. মন শান্ত করে এগিয়ে চলো। (যৌগিক)
- II. ‘মোদের বাঁধন যতই শক্ত হবে ততই বাঁধন টুটবে।’  
(সরল)
- III. জলে পা দেওয়া মাত্র সে কাঁপতে লাগল। (জটিল বাক্য)
- IV. যদিও পৃথিবী দূষণ পূর্ণ তবুও নভেম্বরে শীত শীত।  
(সরলবাক্য)
- V. পরমেশ্বরকে ধন্যবাদ জানিয়ে পথ চলি। (জটিল বাক্য)

**বিভাগ - C**  
**(Section - C)**

(মূল পাঠ্যপুস্তক এবং সম্পূরক পাঠ / অনুপূঙ্খ পাঠ)  
**(Main Course Book & Supplementary  
Reader / Non detailed Text)**

8. কোন কথাটা শুনে তপনের চোখ মার্বেল হয়ে গিয়েছিল?  
[1x2=2]
9. a) ‘ও মরিয়া হয়ে বলল, ঠিক আছে, আমাকে বেঁধে রাখো।  
মারো। কিন্তু তোমাকে ইসাবের মতো একটা জামা আমার  
জন্য জোগাড় করতেই হবে।  
কে, কেন এমন মরিয়া হয়ে বলল?’ [3]



b) “জীবন্ত কোনো জিনিস পোষবার সামর্থ্য নেই আমার।”—কার কেন কোন জীবন্ত জিনিস পোষবার সামর্থ্য নেই? [3]

10. “সমাজের সঙ্গে নিজেকে তিনি খাপ খাওয়াতে পারলেন না কিছুতে।”

a) যিনি সমাজের সঙ্গে খাপ খাওয়াতে পারলেন না, তাঁর পরিচয় দাও। [2+3=5]

b) কেন সমাজের সঙ্গে খাপ খাওয়াতে পারলেন না এবং পরিণতি কী হলো?

অথবা / OR

✓ আগন্তুক হাসেন - আপনি কি ভগবানের চেয়েও বড়ো?

a) আগন্তুকের পরিচয় দাও।

b) আগন্তুক কেন হাস্যমুখে এমন প্রশ্ন করেছেন লেখ।

11. সপ্তসঙ্গ ব্যাখ্যা লেখো : [1x5=5]

“হাওয়াবিলাসী তিনজোড়া চোখ আটকে গেল ফ্রেমে।”

অথবা / OR

“তোমার পানি আর আমার জল / জীবনের জন্যে / একসঙ্গে একাকারে ভ'রে নিই।”

12. “আমাদের ডান পাশে ধ্বস  
আমাদের বাঁয়ে গিরিখাদ



আমাদের মাথায় বোমারু  
পায়ে পায়ে হিমালয়ের বাঁধ।।

- a) আমাদের মাথায় ‘বোমারু’ বলতে কবি কী বুঝিয়েছেন?  
b) আমাদের পথ খুঁজে না পাওয়ার আশঙ্কাকে কবি কীভাবে  
দেখিয়েছেন? [2+3=5]

অথবা / OR

“মাথায় কত শকুন বা চিল  
আমার শুধু একটা কোকিল  
গান বাঁধবে সহস্র উপায়ে”

- a) কবি এখানে ‘শকুন বা চিল’ বলতে কী বুঝিয়েছেন?  
b) ‘কোকিল’ কেন ও কীভাবে গান বাঁধবে?

13. “এমন সময় রাস্তায় ভারি একটা গোল শুনা গেল।”  
[2+3=5]

- a) ‘এমন সময়’ বলতে কোন সময়ের কথা বলা হয়েছে?  
b) রাস্তায় কী “গোল” বেঁধেছিল লেখ।

14. “বালিকা রতন আর বালিকা রহিল না, সেই মুহূর্তেই সে জননীর  
পদ অধিকার করিয়া বসিল”— [2+3=5]

- a) ‘সেই মুহূর্তেই’ বলতে কোন মুহূর্তের কথা বলা হয়েছে?  
b) কীভাবে বালিকা রতন “জননীর পদ অধিকার করেছিল?”

অথবা / OR

“এক্ষণে রাসমণির অবস্থা পূর্বের ঠিক বিপরীত।”

- a) রাসমণির অবস্থা পূর্বে কেমন ছিল?  
b) বিপরীত অবস্থা কীভাবে এবং কেমন ~~অবস্থা~~ হলো?



বিভাগ - D

Section - D

(সৃজনাত্মক লিখন)

(Creative Writing)

15. নিম্নলিখিত যে-কোনো একটি বিষয় অবলম্বনে অনুচ্ছেদে রচনা করো। [6]

I. পরিবেশ প্রকৃতির বিভিন্ন ক্ষেত্রে ভারসাম্যহীন অবস্থার কারণ ও প্রতিকার।

II. ছাত্রাবস্থায় বই পড়া বনাম মোবাইল দেখা

III. কোনো একটি মেলা দেখার অভিজ্ঞতা লেখ।

16. নিম্নলিখিত বিষয় অবলম্বনে সম্পাদকের প্রতি পত্র রচনা করো। (শব্দ সীমা ১৫০) [6]

চলতি বছরে অতি বৃষ্টির ফলে সাধারণ মানুষের যে ক্ষয় ক্ষতি হয়েছে তার প্রতিকার চেয়ে আবেদন জানাও —

‘ভোরের খবর’ সংবাদপত্রের সম্পাদকের কাছে একটি পত্র লেখো।

অথবা / OR

লেখাপড়ার পাশাপাশি মানসিক স্বাস্থ্য উন্নতির জন্য শিক্ষার্থীর প্রয়োজনীয় বিষয়গুলি সঠিকভাবে সচেতন নাগরিক হিসেবে সংবাদপত্রের সম্পাদককে একটি পত্র লিখে জানাও।

\*\_\*\_\*\_\*\_\*\_\*\_\*\_\*